



Universitätsbibliothek Paderborn

Reverendissimi Ac Illustrissimi D.D. Antonii Godeau Episcopi Venciensis Viri Celeberrimi Theologia Moralis

Ex Purissimis Sacrae Scripturae, Patrum Ac Conciliorum Fontibus Derivata,
Notis Theologicis Illustrata, Duasque In Partes Divisa

Complectens Tractatus I. De Fontibus Doctrinae moralis. II. De praecipuis
ejusdem Fundamentis. III. De Peccatis. IV. De Legibus. V. De summario
dilectionis Praecepto. VI. De primo decalogi Praecepto. VII. De secundi
decalogi Praecepto

Godeau, Antoine

Augustae Vindelicorum, 1774

Sectio II. De spe & vitiis oppositis.

[urn:nbn:de:hbz:466:1-53562](https://nbn-resolving.org/urn:nbn:de:hbz:466:1-53562)

Etiã pro his quædam in jure statutæ inven-
iuntur pœnæ. 1. Qui ordinem deserit, simul-
que sacrum habitum seponit ipso facto majore
excommunicatione innodatur (cap. 2. *ne Clerici,*
& *Monachi* in 6.). 2. Qui retento habitu
solum ab ordine abscedit excommunicationi vel
latæ, vel ferendæ sententiæ subjacet, prout
nempe cujusque religiosi instituti leges denotant.
3. Excommunicationem quoque latæ sententiæ
incurrunt vagabundi, qui nempe animo solum
vagandi quoad tempus monasterii septa deserunt
(cap. cit.). Scandalis propemodum infinitis,
quæ a circumerrantibus hisce monachis per
provincias propagantur, omnes istæ pœnæ, his-
que majores debentur. Sed de his plura Ca-
nonistæ.

SECTIO II.

DE

SPE ET VITIIS OPPOSITIS.

CAPUT I.

Spei notio, & obligatio.

Fuerunt, qui spem a cæteris virtutibus Theo-
logicis non distinxerunt. Ab his moderni
heretici non multum differunt, dum spem cum
fide confundunt, omnesque sola confidentiali in
Christum fide salvari contendunt. *Alit sanctus*

E e 4

Paulus

Paulus spem a fide distinctam recenser (Cor. 13.), ac communis hæc doctrina semper in Ecclesia viguit (a).

Est autem spes virtus Theologica, qua Deum ceu futuram beatitudinem nostram auxilio dante non fulti secure expectamus.

Objectum spei *primarium* ipse Deus est, *secundarium* divinum auxilium aliaque media quibus ad Deum ceu beatitudinem finalem pertingere homo potest. Motivum spei, seu ratio ad sperandum nos inducens, Dei promissio omnipotens fidelitas, ac fidelis Omnipotentia est. Quia *omnipotens* promissa dare potest, quia *fidelis* eadem dare vult, ac infallibiliter dabit.

(a) Pulchre id sanctus Thomas declarat. „ Dicitur
 „ dum (inquit 2. 2. *quæst.* 17. *art.* 4.) quod
 „ virtus aliqua dicitur esse Theologica ex hoc
 „ quod habet Deum pro objecto, cui inhæret.
 „ Potest autem aliquis alicui inhære dupliciter
 „ uno modo propter se ipsum: alio modo
 „ quantum ex eo in aliud devenitur. Caritas
 „ ergo facit hominem Deo inhære propter
 „ ipsum, mentem hominis uniens Deo per affec-
 „ tum amoris: spes autem & fides faciunt ho-
 „ minem inhære Deo, sicut cuidam principio
 „ ex quo aliqua nobis proveniunt. De Deo enim
 „ tem provenit nobis & cognitio veritatis, &
 „ adeptio perfectæ bonitatis. Fides erga factum
 „ hominem inhære Deo, in quantum est nobis
 „ principium cognoscendi veritatem. Spes
 „ autem facit Deo adhære, prout est nobis
 „ principium perfectæ bonitatis, in quantum
 „ per spem divino auxilio innitimur ad beatitu-
 „ dinem obtinendam.

nisi desidia nostra obicem ponat, hisque bonis indignam se reddat. Hinc est, quod Psalmista canat: *Spera in Domino, & fac bonitatem* (Psalm. 36.). Et: *In te Domine speravi, non confundar in æternum* (Psalm. 30.). Quantum potentia divina humanam, tantum spes divina quaecumque humanam sua securitate excedit. Aberrant proin, qui Dei propemodum oblitii in filiis hominum, in quibus non est salus, spem suam collocant; quasi futura nulla essent, presentibus hisce ac mundanis bonis inhaerent. Nihilominus post Deum etiam in homine veluti Dei instrumento moderatam spem reponere licitum est, hocque causarum secundarum subordinatio exigit, & sana ratio dicat.

Spes Theologica fidei innititur, hujusque motivum fidei motivum supponit: unde, qui fide carent, infideles & hæretici spem veram habere non possunt. Econtra, qui fidem servant, peccatores amissa caritate adhuc spem, informem licet, retinere valent; quia spei fundamentum, quod fides est, illiusque motivum, quod in Omnipotentia auxiliatrice consistit, in malis ejusmodi subjectis locum habet: hinc fiet fides, ita & spes recte in *formatam* & *informem* a Theologis dividitur (a). Vid. pag. 131. & seq.

Quem-

(a) Hæcque spes vera, non presumptio est. Sperare beatitudinem *obtinendam sine caritate* presumptuosum est; non vero sperare sine caritate beatitudinem *obtinendam per caritatem*. In casu nostro

Quemadmodum fidei & caritatis, ita & spe
 præceptum sæpius per vitam obligat (a)
 Utriusque testamenti paginæ hoc clare insinuat.
Sperate in eo omnis congregatio populi (Psal.
 65.). *Sperate in eam, quæ vobis offertur*
gratiam (2. Pet.). Temporis punctum, quod
 obligationi huic satisfaciendum, accurate adeo
 designari non potest, prout jam supra de præcep-
 to caritatis & fidei innuimus. Opportunum
 præprimis spei exercitium erit, 1. Cum de pec-
 catis pœnitere, nosque ad justificationem præ-
 parare tenemur (Trid. Sess. 6. de *Justificati-*
one cap. 6.). 2. Cum gravi desperationis tentatio-
 ne invadimur; quia contraria contrariis pellun-
 tur. 3. Cum maxima nos undequaque mala
 premunt. *Nam tribulatio* (ait Apostolus Rom.
 4.) *patientiam operatur, patientia autem pro-*
bationem: probatio vero spem. Et Psalmista:
Sperantem autem in Domino misericordia cir-
cumdabit (Psal. 31.). 4. Cum mortis
 articulus imminet; tunc enim ex periculoso mari
 hujus ad salutis portum, terramque deli-
 derabilem appellendi tempus instat; spem igitur
 apprehendam oportet, *quam sicut anchoram*
habemus animæ tutam, ac firmam (Hebr. 6.).
 Validius, ac per totam vitam, tunc tentatio
 insister; frustraneus tamen hic assultus abibit.

nostro hoc secundo, non primo modo peccator
 sperat.

(a) Alexander VII. hanc damnavit propositionem:
Homo nullo unquam vitæ suæ tempore tenetur ob-
tere actum fidei, spei, & caritatis ex vi præcepto-
rum divinorum ad eas virtutes pertinentium num. 5.

si crucifixi imaginem intuens, aut manu tenens
eger respondeat: *Si exurgat adversum me
prælium, in hoc ego sperabo (Psalm. 26.)*.

CAPUT II.

*Præsumptionis vanitas, ac desperationis
horror exponuntur.*

Desperatio & præsumptio spei opponuntur;
hæc quidem per excessum, illa per defe-
ctum nobilem istam virtutem destruit.

Præsumptio quæcumque inordinata voluntas
est aggrediendi ea, quæ proprias vires excedunt;
prout tamen hic spectatur, est inordinata seu
temeraria beatitudinis, & mediorem illuc con-
ducentium expectatio. Duplici ex capite *teme-
raria* isthæc expectatio evadit, 1. cum homo
nativis suis viribus, ac virtutibus æternæ beati-
tudinis mercedem deberi elate confidit; 2. cum
homo peccator ita divinæ misericordiæ vel po-
tentia innititur, ut peccatorum veniam sine
penitentia, vel gloriam sine meritis sibi confe-
rendam confidat. Illa *prior* ex vana gloria, hæc
posterior ex superbia oritur; dum nempe homo
ita se æstimat, ut se etsi peccatorem nec venia,
nec gloria indignum existimet. Utraque, si
perinaciter intellectus judicio sit juncta, sive pela-
gianam, sive calvinianam *hæresim* spirat; di-
stinctamque peccati gravitatem habet: si vero
istud judicium desit, solaque praxi inordinate
quis confidere videatur, præsumptio *simplex*
erit,

erit, quæ sæpe cum Dei tentatione coincidit (a).

Desperatio est diffidentia de obtinenda beatitudine, vel acquirendis remediis illuc conducendis. Diffidentia hæc (prout sanctus Thomas 2. 2. *quæst.* 20. *art.* 4. advertit) nonnumquam ex luxuria oritur, qua homini carnalibus affluentiis divina vilescunt: nonnumquam autem ex acedia, qua homo animo ita dejicitur, ac profternitur, ut bonum aliquod arduum sibi & per se, & per alios impossibile acquisitu reputer. Angelus Doctoris verba lacrymabili experientia confirmat.

(a) Qui peccat, aut in mala consuetudine perseverat, quia poenitentiam gartiam quovis tempore, vel saltem in mortis articulo sibi a Deo conferendam sperat; ita ut veniæ spe ad peccandum alliciatur præsumptionis peccatum committit; quia divinæ misericordiæ nimium innititur, ac quasi cum ea ludit, secus sentiendum; si veniæ spes concomitans occasio sit, eumque solummodo ad *liberius* peccandum excitet; hæc enim circumstantia aggravans, non speciem motans foret. Porro Confessarius, antequam remedia contra præsumptionis malum subministret; in ejusdem radices indagare debet. Præsumptionem ex judicio ac pertinacia *hæreticali* prognatam ea, quæ supra (*pag.* 437.) sunt proposita remedia tollent: ex superbia protuberantem illam, quæ (*pag.* 237.) commendata, antidota destruent. Generice autem præderit considerare. 1. Divinam justitiam, quæ repentine, in iectu oculi peccatis simul & vitæ limites ponit. 2. Difficultatem conversionis nimium dilatæ, ita ut facilius sit a concupitis statim abstinere, quam semel assueta deserere.

tantur. Quod si homo ideo desperet, quia peccata sibi a Deo remitti non posse credit, desperatio hæretica, si vero ideo, quia Deum remittere iam non velle existimat, desperatio simplex erit.

Desperationis peccatum gravissimum est, divinae misericordiae, & potentiae maxime injuriosum; nec umquam materiae levitatem admittit. Inter peccata contra Spiritum sanctum primatum tenet, ipsaque infidelitate, aut Dei odio periculosus; quia uti sanctus Thomas notat (2. 2. Quæst. 20. art. 3.) in omnia peccata hominem abripit. Unde Apostolus ait: *Qui desperantes semetipsos tradiderunt impudicitiae in operationem omnis immunditiae, & avaritiae (Ephes. 4.)*. Et Isidorus (lib. de sum. bono.) ait: *Perpetrare flagitium aliquod, mors animae est; sed desperare est descendere in infernum.*

Sufficiencia desperationis signa in eis sunt, 1. qui malitioso voluntatis proposito concionatores, superiores &c. posthac non amplius audire statuunt, 2. qui sacramenta veluti inutilia contemnunt &c. 3. qui sepositis christianae fidei signis, qualia communiter Rosaria, Scapularia, Cruces, Agnus Dei &c. reputantur, antequam laqueo se suspendunt, aquis immergunt, studiose abjiciunt, aut omnino pedibus conculcant &c. nisi forte predominanti cuidam passioni, quæ rationem obtenebrat, aut melancholicæ complexionis, aut cerebri debilitati &c. hujusmodi adscribi insania possit (a).

Omnes,

(a) Desperatio hæreticalis textibus scripturificis, quales plures Davidis Psalterium continet, est con-

Omnes, qui desperabundi ex hac vita emigrant, recognita rite desperatione ecclesiastica sepultura privantur; illi vero, qui blasphemias aut hæreseos crimen desperationi superaddunt, iisdem cum civilibus, tum canonicis, quos iam in blasphemos & hæreticos statuerunt, obnoxii sunt pœnis.

confundenda. Qui ex *acedia* in desperationem sunt prolapsi aut proxime prolapsuri pharmaci contra *acediæ* malum supra (pag. 288.) præscriptis, sunt curandi. Qui denique ex pessimis *luxuriæ*, aut aliorum peccatorum *consuetudinibus* &c. desperant, ut consuetudinem deponere, occasionem aut relinquere, aut ex proxima remissionem facere, ac tumultuantem conscientiam confessione vel generali, vel annua &c. tranquillam reddere studeant, blande, ac mansuete sunt admonendi. Hac peracta confessione ut veritas succrescat spes. 1. Maximis encomiis Dei commendetur misericordia. 2. Proponantur notissima de ove perdita, de filio prodigo parabola. 3. Magdalænæ, Dismæ, Davidis &c. aliarumque conversionum narrentur historiae. 4. Quotidianum spei exercitium, ac singulares erga Christi vulnera, Beatissimam Virginem &c. devotiones præscribantur. 5. Contra melancholiam tam naturalem, quam spirituale procuretur remedium.

